



ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

12 դեկտեմբերի 2019 թ.

N 1040-Ն

ք.Ստեփանակերտ

ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ՄԱՅԻՍԻ 11-Ի N 350-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

«Նորմատիվ իրավական ակտերի մասին» օրենքի 37-րդ հոդվածին համապատասխան՝ Արցախի Հանրապետության կառավարությունը **որոշում է**.

1. Արցախի Հանրապետության կառավարության 2018 թվականի մայիսի 11-ի «Արցախի Հանրապետությունում բուսաբուծության համալիր զարգացման ծրագիրը հաստատելու մասին» N 350-Ն որոշման հավելվածում կատարել հետևյալ լրացումները և փոփոխությունները՝

1) 15-րդ կետի՝

ա. 2-րդ ենթակետում «նռան» բառից հետո լրացնել «և ընկուզենու» բառերը,

բ. 7-րդ ենթակետի «:» կետադրական նշանը փոխարինել «.» կետադրական նշանով,

գ. լրացնել հետևյալ բովանդակությամբ նոր 8-րդ ենթակետ.

«8) 2019 թվականին Արցախի Հանրապետության Ասկերանի շրջանի բարձրադիր գոտում պտղատու այգիների հիմնադրման նպատակով տնկիների ձեռքբերում և անհատույց տրամադրում:».

2) 23-րդ կետում՝

ա. 2-րդ ենթակետի 2-րդ պարբերությունը շարադրել հետևյալ խմբագրությամբ.

«Սույն կետի 1-ին ենթակետի «ե» (անձրևացման շարժական համակարգի մասով) պարբերությունով նախատեսված կուլտուրաների մշակության համար համակարգի արժեքի 50 տոկոսը տրամադրվում է անհատույց, բայց ոչ ավել քան 7 500 000 ՀՀ դրամ, մյուս 50 տոկոսը՝ անտոկոս փոխառության տեսքով, իսկ համակարգի արժեքը տրամադրվող պետական աջակցության չափը գերազանցելու դեպքում գերազանցող մասը և համակարգի տեղադրման արժեքը տրամադրվում է հողօգտագործողների կողմից:».

բ. 6-րդ ենթակետի «ա» պարբերությունում և 9-րդ ենթակետում «1-ին ենթակետի «բ» և «ե» (անձրևացման շարժական համակարգի մասով) պարբերություններով» բառերը փոխարինել «1-ին ենթակետի «բ» պարբերությունով» բառերով,

գ. 6-րդ ենթակետի «բ» պարբերությունից հանել «(անձրևացման ստացիոնար համակարգի մասով)» բառերը,

դ. 8-րդ ենթակետի «բ» պարբերությունը շարադրել հետևյալ խմբագրությամբ.

«բ. հանձնաժողովի կողմից ներկայացված ցանկի հիման վրա ապահովում է գործընթացի իրականացումը՝ սույն կետի 1-ին ենթակետի «ե» (անձրևացման շարժական համակարգի մասով) պարբերությունով նախատեսված կուլտուրաների մշակությամբ զբաղվող հողօգտագործողների հետ կնքելով անհատույց և անտոկոս փոխառությամբ տրամադրման պայմանագրեր, իսկ սույն կետի 1-ին ենթակետի «բ» և «դ» պարբերություններով նախատեսված կուլտուրաների մշակությամբ զբաղվող հողօգտագործողների հետ՝ անտոկոս փոխառության պայմանագրեր՝ նախատեսելով սույն կետի 6-րդ ենթակետով «բ» պարբերությունով և 7-րդ ենթակետով նախատեսված դրույթները.».

3) 24-րդ կետը շարադրել հետևյալ խմբագրությամբ.

«24. Նռան և ընկուզենու տնկիների ձեռքբերում և տրամադրում.

1) Արցախի Հանրապետության շրջանների վարչական սահմաններում սեփականության, վարձակալության և անհատույց օգտագործման իրավունքով հատկացված տարածքներում նռան այգի հիմնադրելու դեպքում հողօգտագործողներին անհատույց տրամադրվում են նռան տնկիներ՝ 1 հեկտարի հաշվարկով 625 հատ տնկի և ընկուզենու տնկիներ՝ 1 հեկտարի հաշվարկով 278 հատ տնկի.

2) նռան և ընկուզենու տնկիները ձեռք են բերվում նախարարության կողմից և վարչակազմի ղեկավարի ներկայացրած տեղեկության հիման վրա հանձնվում են վարչակազմին՝ հողօգտագործողներին անհատույց տրամադրման գործընթացն ապահովելու նպատակով.

3) Ծրագրից օգտվելու (նռան և ընկուզենու տնկիների անհատույց տրամադրում) պարտադիր պայման է հանդիսանում նռան այգի հիմնադրելու դեպքում նվազագույնը 1 հեկտար մակերեսով հողատարածքի համար այգի հիմնադրելու նպատակով հայտի ներկայացումը, այդ հողատարածքը ոռոգման ջրով ապահովված լինելը (բացառությամբ ընկուզենու այգի հիմնադրելու դեպքում), համայնքի վարչական սահմաններից դուրս գտնվող պետական սեփականություն համարվող գյուղատնտեսական նշանակության տարածքների դեպքում՝ շրջանի վարչակազմի, իսկ համայնքի վարչական սահմաններում գտնվող գյուղատնտեսական նշանակության տարածքների դեպքում՝ համայնքի ղեկավարի կողմից տրված տեղեկանքը հողատարածքը տունկին պատրաստ (հերկված, տեղաձևած և փոսերը փորած) լինելու մասին.

4) սույն կետի 3-րդ ենթակետում նշված տեղեկանքները ստորագրում է նաև համապատասխան շրջանի համայնքը սպասարկող գյուղատնտեսը.

5) ագրոտեխնիկական ժամկետներում տրամադրված տնկիների ոչ նպատակային օգտագործման դեպքում տրամադրված նռան և ընկուզենու տնկիների արժեքը հողօգտագործողների կողմից ենթակա է վերադարձման պետական բյուջե.

6) տրամադրված տնկիների նպատակային օգտագործումը ստուգելու նպատակով Արցախի Հանրապետության գյուղատնտեսության նախարարի հրամանով ստեղծվում է հանձնաժողով.

7) շրջանների վարչակազմի ղեկավարները տնկիների բաշխման գործընթացն ավարտելուց հետո նախարարություն են ներկայացնում հաշվետվություն կատարած աշխատանքների մասին

8) ընկուզենու տնկիների մասով Ծրագիրը գործում է մինչև 2020 թվականի հունվարի 1-ը:».

4) 27-րդ կետից հետո լրացնել 27.1-ին կետ՝ հետևյալ բովանդակությամբ.

«27.1 Արցախի Հանրապետության Ասկերանի շրջանի բարձրադիր գոտում պտղաբու այգիների հիմնադրման նպատակով տնկիների ձեռքբերում և անհատույց տրամադրում.

1) Արցախի Հանրապետության Ասկերանի շրջանի բարձրադիր գոտում սեփականության, վարձակալության և անհատույց օգտագործման իրավունքով հատկացված տարածքներում նվազագույնը 0,5 հեկտար մակերեսով ամբողջական հողատարածքում այգի հիմնադրելու համար հողօգտագործողներին անհատույց տրամադրվում են խնձորենու, տանձենու, արևելյան խուրմայի, կեռասենու, սև սալորենու, սերկևիլենու, տխլենու, զկեռենու և ընկուզենու տնկիներ՝ համաձայն N 3 աղյուսակի.

2) տնկիները ձեռք են բերվում նախարարության կողմից և Արցախի Հանրապետության Ասկերանի շրջանի վարչակազմի ղեկավարի ներկայացրած տեղեկության հիման վրա հանձնվում են վարչակազմին՝ հողօգտագործողներին անհատույց տրամադրման գործընթացն ապահովելու նպատակով.

3) Ծրագրից օգտվելու (տնկիների անհատույց տրամադրում) պարտադիր պայման է հանդիսանում 900 մետր և ավելի բարձր գոտիներում նվազագույնը 0,5 հեկտար մակերեսով հողատարածքի համար այգի հիմնադրելու նպատակով հայտի ներկայացումը, համայնքի վարչական սահմաններից դուրս գտնվող պետական սեփականություն համարվող գյուղատնտեսական նշանակության տարածքների դեպքում՝ շրջանի վարչակազմի, իսկ համայնքի վարչական սահմաններում գտնվող գյուղատնտեսական նշանակության տարածքների դեպքում՝ համայնքի ղեկավարի կողմից տրված տեղեկանքը հողատարածքը տունկին պատրաստ (հերկված, տեղաձևած և փոսերը փորած) լինելու մասին.

4) սույն կետի 3-րդ ենթակետում նշված տեղեկանքները ստորագրում է նաև համապատասխան շրջանի համայնքը սպասարկող գյուղատնտեսը.

5) ագրոտեխնիկական ժամկետներում տրամադրված տնկիների ոչ նպատակային օգտագործման դեպքում տրամադրված տնկիների արժեքը հողօգտագործողների կողմից ենթակա է վերադարձման պետական բյուջե.

6) տրամադրված տնկիների նպատակային օգտագործումն ստուգելու նպատակով Արցախի Հանրապետության գյուղատնտեսության նախարարի հրամանով ստեղծվում է հանձնաժողով.

7) Արցախի Հանրապետության Ասկերանի շրջանի վարչակազմի ղեկավարը տնկիների բաշխման գործընթացն ավարտելուց հետո նախարարություն է ներկայացնում հաշվետվություն կատարած աշխատանքների մասին

8) Արցախի Հանրապետության Ասկերանի շրջանի բարձրադիր գոտում պտղատու այգիների հիմնադրման նպատակով տնկիների ձեռքբերման և անհատույց տրամադրման ծրագիրը գործում է մինչև 2020 թվականի հունվարի 1-ը:».

5) N 2 աղյուսակի «Բուսաբուծության զարգացման ծրագրի իրագործման համար պահանջվող ներդրումները 2019 թվականի համար» աղյուսակը շարադրել նոր խմբագրությամբ՝ համաձայն N 1 հավելվածի.

6) հավելվածում լրացնել N 3 աղյուսակ՝ համաձայն N 2 հավելվածի:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից, իսկ դրա գործողությունը տարածվում է 2019 թվականի հոկտեմբերի 1-ից հետո ծագած հարաբերությունների վրա:

«Հաստատում եմ»

**ԱՐՑԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ**

Բ.ՍԱՀԱԿՅԱՆ

Հավելված N 1
Արցախի Հանրապետության կառավարության
2019 թվականի դեկտեմբերի 12-ի
N 1040 -Ն որոշման
«Աղյուսակ N 2

**ԱՐՑԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ-ԱՇԽԱՏԱԿԱԶՄԻ
ՂԵԿԱՎԱՐԻ ԱՌԱՋԻՆ ՏԵՂԱԿԱԼ**

Ա. ԼԱԶԱՐՅԱՆ

Աղյուսակ N 3

**ԱՀ Ասկերանի շրջանի բարձրադիր գոտում պտղաբու այգիների հիմնադրման
համար տրամադրվող տնկիների քանակները 1 հեկտարի համար**

Հ/հ	Պտղաբու տեսակը	Տնկման սխեմա	Մեկ հեկտարի համար պահանջվող տնկիների քանակ (հատ)
1	Խնձորենի	4X5	500
2	Տանձենի	5X5	400
3	Արևելյան խուրմա	5X5	400
4	Կեռասենի	6X6	278
5	Սև սալորենի	4X5	400
6	Սերկևիլենի	4X5	500
7	Տխլենի	4X5	500
8	Ջկեռենի	4X5	500
9	Ընկուզենի	6X6	278

ԱՐՑԱՒԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ-ԱՇԽԱՏԱԿԱԶՄԻ
ՂԵԿԱՎԱՐԻ ԱՌԱՋԻՆ ՏԵՂԱԿԱԼ

Ա. ԼԱԶԱՐՅԱՆ